

四庫全書

史部

欽定四庫全書

畿輔通志卷十二

星野

昔堯命羲和歷象日月星辰鳥火虛昴用定分至所以奉天道重人時也自周官保章氏以星土辨九州之地而春秋內外傳所載占候纖微必驗先儒頗議其浮夸至班固作漢志準三統歷以十二次十二野相配厥後費直易說蔡邕月令章句皇甫謐帝王世

紀或譜以易卦或輪以節氣或附以月律而魏太史
令陳卓更詳郡國所入之度數唐僧一行又謂天下
山河之象存乎兩戒以氣相屬而不繫於方隅然在
天有列宿在地有州域陰陽之精其本在地而上發
於天則自古不易之論也太史公世掌天官其先為
周室藏史所次星野必周官保章氏之舊而自變封
建為郡縣地理之書莫先於班氏今據二史以按

京畿之地自上谷涿代以東北至漁陽右北平遼西薄

海為幽州於春秋為燕國其次析木其星尾箕今之
順天永平宣化當其地自涿中山以西南至常山鉅
鹿信都清河邯鄲平山為冀州於春秋為晉國其次
大梁其星昴畢今之保定順德廣平正定及易冀趙
深定諸州河間天津之北境當其地而景滄所屬乃
在虛危元枵之次為古青州齊國地自魏郡以東南
至東郡陳留為并州於春秋為衛國其次娵訾其星
營室東壁今之大名當其地疆聯四州次兼四辰星

延八舍爰稽古經傳子史星歷之書刪取其大要至於占候之術則有司存非地志所宜及故概弗採著焉

保章氏以星土辨九州之地所封之域皆有分星以

觀妖祥

周禮

星土星所主土也封猶界也鄭司農說星土以春秋傳曰參為晉星商主大火國語曰歲之所在則我有周之分野之屬是也某謂大界則曰九州州中諸國

之封域于星亦有分焉其書亡矣堪輿雖有郡國所
入度非古數也今其存可言者十二次之分也星紀
吳越也元枵齊也姬訾衛也降婁魯也大梁趙也實
沈晉也鶉首秦也鶉火周也鶉尾楚也壽星鄭也大
火宋也析木燕也此分野之妖祥主用客星彗孛之

氣為象

周禮注

後鄭云大界則曰九州者此解經九州之地按春秋
緯文耀鉤云布度定紀分州繫象華岐以西龍門積

石至三危之野雍州屬魁星太行以東至碣石王屋
砥柱冀州屬樞星三河雷澤東至海岱以北兗州青
州屬機星蒙山以東至南江會稽震澤徐揚之州屬
權星大別以東至雷澤九江荊州屬衡星荆山西南
至岷山北嶺鳥鼠梁州屬開星外方熊耳以至泗水
陪尾豫州屬搖星此九州屬北斗星有七州有九但
兗青徐揚并屬二州故七星主九州也周之九州差
之義亦可知云州中諸國以下別釋經所封封域但

吳越在南齊魯在東今歲星或北或西不依國地所
在者此古之受封之日歲星所在之辰國屬焉故也

吳越二國同次者亦謂同年度受封故同次也

周禮
疏

大呂丑之氣也十二月建焉而辰在元枵太簇寅之
氣也正月建焉而辰在姬訾應鍾亥之氣也十月建
焉而辰在析木姑洗辰之氣也三月建焉而辰在大

梁中呂巳之氣也四月建焉而辰在實沈

周禮
注

析木燕之分星幽州之星土也

周禮
總義

孟春之月日在營室孟夏之月日在畢孟冬之月日

在尾

月令

日月之行一歲十二會聖王因其會而分之以為大數焉觀斗所建命其四時此云孟春者日月會于娵訾而斗建寅之辰也孟夏者日月會于實沈而斗建巳之辰孟冬者日月會于析木之津而斗建亥之辰也

月令注

此云孟春者日月會于娵訾而斗建寅之辰者娵訾

是亥次之號立春之時日在危十六度月半雨水之

時日在營室十四度營室號娠訾

月令
疏

三統歷四月節日在畢十二度四月中日在井初度

按元嘉歷四月節日在畢十一度四月中日在畢十

五度按律歷志立夏日在畢十二度

同上

按三統歷十月節日在尾十度十月中日在箕七度

按元嘉歷十月節日在心二度十月中日在尾十二

度

同上

周天三百六十五度四分度之一分為十二次日月之所躔也地有十二分王侯之所國也每次三十二度三十三分之十四日至其初為節至其中為中氣自危十度至壁八度謂之豕韋之次立春驚蟄居之衛之分野自胃一度至畢六度謂之大梁之次清明穀雨居之趙之分野自畢六度至井十度謂之實沈之次立夏小滿居之晉之分野自尾四度至斗六度謂之析木之次立冬小雪居之燕之分野自須女一

度至危十度謂之元枵之次小寒大寒居之齊之分

野

月令章句

按蔡邕此說與皇甫謐帝王世紀不合

歲在星紀而淫於元枵

春秋襄二十八年左氏傳

歲歲星也星紀在丑斗牛之次元枵在子虛危之次

春秋左傳注

左傳及國語所云歲在者皆謂歲星所在故云歲歲星也五星者五行之精也歷書稱木精曰歲星火精

曰熒惑土精曰鎮星金精曰太白水精曰辰星此五者皆右行于天二十八宿則著天不動故謂二十八宿為經五星為緯言若織之經緯然也天有十二次地有十二辰丑子亥北方之辰也次之與辰上下相值故云星紀在丑元枵在子釋天云元枵虛也漢書律歷志云元枵初婺女八度終于危十五度是元枵

為虛危之次也

春秋左傳疏

歲在姬訾之口

春秋襄三十二年左氏傳

姬訾營室東壁二十八年歲星淫在元枵今三十年

在姬訾是歲星停在元枵二年

春秋左傳注

李巡曰姬訾元武宿也營室東壁北方宿名十二次

子為元枵丑亥為姬訾

春秋左傳疏

古者日在北陸而藏冰西陸朝覲而出之

春秋昭四年左氏傳

陸道也謂夏十二月日在虛危冰堅而藏之夏三月

日在昴畢蟄蟲出而用冰春分之中奎星朝見東方

春秋左

傳注

釋例云北陸虛也西陸昴也杜以西陸朝覲謂奎星朝見昴為西方中宿則昴未得見宿是日行之道日在北陸為夏之十二月也十二月日在元枵之次小寒節大寒中漢書律歷志載劉歆三統歷云元枵之初日在婺女八度為小寒節在危初度為大寒中終於危十五度是夏之十二月日在虛危也杜以西陸為三月日在大梁之次清明節穀雨中三統歷云大梁之初日在胃七度為清明節在昴八度為穀雨中

終于畢十一度是夏之三月日在昴畢

春秋左傳疏

箕斗之間有天漢故謂之析木之津

春秋昭八年左傳注

析木之津於十二次為位在寅也襄三十年傳稱歲

星在姬訾之口其明年乃及降婁歲星歲行一次降

婁距此九年故此年歲在析木之津也

春秋左傳疏

天有十二次地有九州以此九州當彼十二次周禮

雖云皆有分星不知其分孰分之也星紀在於東北

吳越實在東南魯衛東方諸侯遙屬戌亥之次又三

家分晉方始有趙而韓魏無分趙獨有之漢書地理志分郡國以配諸次其地分或多或少或鶉首極多鶉火甚狹徒以相傳為說其源不可得而聞之或有災祥而為占者多得其效蓋古之聖哲有以度知非後人所能測也 同上

箕星散為幽州分為燕國昴畢間為天街散為冀州

分為趙國

春秋元命苞

北方辰星水生物布其紀

同上

箕尾為燕

春秋說
題辭

斗第一天樞第二璇第三璣第四權第五衡第六間

陽第七瑤光第一至第四為魁第五至第七為杓

春秋

運斗
樞

辰星水精也

尚書考
靈曜

析木謂之津箕斗之間漢津也

爾雅

箕龍尾斗南斗天漢之津梁

爾雅
注

析木謂之津箕斗之間漢津也者析木之津箕斗之

次名也孫炎曰析別水木以箕斗之間是天漢之津也劉炫謂是天漢即天河也天河在箕斗二星之間箕在東方木位斗在北方水位分析水木以箕星為隔隔河須津梁以渡故謂此次為析木之津也不言析水而言析木者此次自南而盡北故依此次而名析木也郭云箕龍尾斗南斗天漢之津梁以四方皆有七宿各成一形東方成龍形西方成虎形皆南首而北尾南方成鳥形北方成龜形皆西首而東尾箕

在蒼龍之末故云龍尾斗至南方即見故云南斗昭
八年左傳曰今在析木之津國語曰日在析木之津

者是也

爾雅疏

營室謂之定娠訾之口營室東壁也

爾雅

定正也作宮室皆以營室之中為正營室東壁星四

方似口因名云

爾雅注

營室謂之定室者營室一名定郭云定正也作宮室
皆以營室中為正詩鄘風云定之方中作于楚宮鄭

箋云定星昏中而正於是可以營制宮室故謂之營
室娠訾之口營室東壁也者娠訾室壁之次也壁居
南則在室東孫炎曰娠訾之次則口開方營室東壁
四方似口故因名也郭云營室東壁星四方似口因
名云由其營室與東壁相成故得正四方襄三十年
左傳云歲在娠訾之口是也

爾雅
疏

大梁昴也西陸昴也濁謂之畢

爾雅

昴西方之宿別名旄頭掩兔之畢或呼為濁因星形

以名爾雅
注

大梁昴也西陸昴也者大梁昴之次名也昴西方之宿名也昴又謂之西陸昭四年左傳云古者日在北陸而藏冰西陸朝覲而出之又十一年傳云歲及大梁蔡復楚凶是昴星之名凡三郭云昴西方之宿別名旄頭者天文志云昴曰旄頭是矣濁謂之畢者畢西方之宿名一名濁郭云掩兔之畢或呼為濁因形

以名爾雅
疏

元枵虛也顓頊之虛虛也北陸虛也

兩雅

虛在正北北方黑色枵之言耗耗亦虛意顓頊水德

位在北方虛星之名凡四

兩雅注

元枵虛也者元枵虛之次名也郭云虛在正北北方
黑色枵之言耗亦虛意然則以其色黑而虛耗故名
其次曰元枵顓頊之虛也郭云顓頊水德位在北方
然則以北方三次以元枵為中元枵次有三宿又虛
在其中以水位在北顓頊居之故謂元枵虛星為顓

項之虛也昭十年左傳云鄭裨竈言於子產曰今茲
歲在顛項之虛是也北陸虛也者虛星又謂之北陸
也孫炎曰陸中也北方之宿虛為中也昭四年左傳
云古者日在北陸而藏冰杜注云陸道也陸之為中
為道皆無正訓各以意耳要以虛為北方中星宿是
日行之道故謂之北陸郭云虛星之名凡四者元枵
也虛也顛項之虛也北陸也

爾雅
疏

東壁居不周風東主辟生氣而東之至於營室營室

者主營胎陽氣而產之東至於危危境也言陽氣之危境故曰危十月也律中應鍾應鍾者陽氣之應不用事也其於十二子為亥亥者該也言陽氣藏於下故該也東至於虛虛者能實能虛言陽氣冬則宛藏於虛日冬至則一陰下藏一陽上舒故曰虛南至於箕箕者言萬物根棋故曰箕正月也律中泰簇泰簇者言萬物簇生也故曰泰簇其於十二子為寅寅言萬物始生蟄然也故曰寅南至於尾言萬物始生如

尾也北至於濁濁觸也北至於留留者言萬物之稽留也故曰留八月也律中南呂南呂者言陽氣之旅入於藏也其於十二子為酉酉者萬物之老也故曰

酉

史記律書

尾箕幽州虛危青州營室至東壁并州昴畢冀州

史記

天官書

東宮尾為九子箕為教客西宮昴曰髦頭畢曰罕車昴畢間為天街北宮元武虛危危東六星兩兩相比

曰司空營室為清廟曰離宮閣道

同上

二十八舍主十二州斗秉兼之所從來久矣燕齊之

疆候在辰星占於虛危

同上

斗為帝車運於中央臨制四鄉分陰陽建四時均五

行移節度定諸紀皆繫於斗

同上

北斗七星所謂璇璣玉衡以齊七政平旦建者魁魁

海岱以東北也

同上

元枵初婺女八度小寒中危初大寒

於夏為十二月
商為正月周為

二 終於危十五度 娠訾初危十六度 立春中營室十

月 四度 驚蟄

今日雨水於夏為正月
商為二月周為三月

終於奎四度 大梁

初胃七度 穀雨

今日清明

中昴八度 清明

今日穀雨於夏
為三月商為四

月周為五月

終於畢十一度 實沈初畢十二度 立夏中井

初小滿

於夏為四月商為五月周為六月

終於井十五度 析木初尾

十度 立冬中箕七度 小雪

於夏為十月商為十一月周為十二月

終於

斗十一度

漢書律
志

壬癸常山以北一曰甲齊戊魏壬燕趙寅趙辰邯鄲

已衛未中山申齊亥燕代

漢書天文志

趙地昴畢之分壘北有信都真定常山中山又得涿郡之高陽鄭州鄉東有廣平鉅鹿清河河間又得勃海郡之東平舒中邑文安束州成平章武河以北也南至浮水繁陽內黃斥邱西有太原定襄雲中五原上黨皆趙分也鴈門於天文別屬燕燕地尾箕分壘也東有漁陽右北平遼西遼東西有上谷代郡鴈門南得涿郡之易容城范陽北新城故安涿縣良鄉新

昌及勃海之安次皆燕分也樂浪元菟亦宜屬焉自
危四度至斗六度謂之析木之次燕之分也齊地虛
危之分壑也東有淄川東萊琅邪高密膠東南有泰
山城陽北有千乘清河以南勃海之高樂高城重合
陽信西有濟南平原皆齊分也衛地營室東壁之分
壑也今之東郡及魏郡黎陽河內之野王朝歌皆衛

分也

漢書地理志

赤道度周天三百六十五度四分一虛十

進

三危十六

進室十六二進壁十二進昴十一二進畢十六二進尾十八三進

箕十一三退黃道度三百六十五四分一虛十危十六

室十八壁十昴十二畢十六尾十八箕十後漢書律歷志

十二次度數自尾十度至南斗十一度為析木於辰

在寅燕之分野屬幽州費直周易分野析木起尾九度蔡邕月令章句析木起尾

四度自須女八度至危十五度為元枵於辰在子齊之

分野屬青州費直起女六度蔡邕起女一度自危十六度至奎四度

為娵訾於辰在亥衛之分野屬并州費直起危十四度蔡邕起危十

度
自胃七度至畢十一度為大梁於辰在酉趙之分

野屬冀州

費直起婁十度
祭邕起胃一度

自畢十二度至東井十五

度為實沈於辰在申魏之分野屬益州

費直起畢九度
祭邕起畢

六度
晉書天文志

州郡躔次陳卓范蠡鬼谷先生張良諸葛亮譙周京
房張衡竝云尾箕燕幽州涼州入箕中十度上谷入
尾一度漁陽入尾三度右北平入尾七度西河上郡
北地遼西東入尾十度涿郡入尾十六度渤海入箕

一度樂浪入箕三度元菟入箕六度廣陽入箕九度
虛危齊青州齊國入虛六度北海入虛九度濟南入
危一度樂安入危四度東萊入危九度平原入危十
一度淄川入危十四度營室東壁衛并州安定入營
室一度天水入營室八度隴西入營室四度酒泉入
營室十一度張掖入營室十二度武都入東壁一度
金城入東壁四度武威入東壁六度敦煌入東壁八
度昂畢趙冀州魏郡入昂一度鉅鹿入昂三度常山

入昴五度廣平入昴七度中山入昴一度清河入昴
九度信都入畢三度趙郡入畢八度安平入畢四度
河間入畢十度真定入畢十三度

同上

辰星曰北方冬水主燕趙又為燕趙代

同上

尾亦為九子箕亦曰天津一曰天雞主八風虛二星
冢宰之官也主北方危三星主天府天庫營室三星
天子之宮也一曰元宮一曰清廟又為軍糧之府及
土功事東壁二星主文章天下圖書之祕府也主土

功昴七星天之耳目也主西方又為旄頭昴畢間為天街天子出旄頭罕畢以前驅此其義也畢八星主

邊兵主弋獵

隋書天文志

冀州於古堯之都也舜分州為十二冀州析置幽并其於天文自胃七度至畢十一度為大梁屬冀州自尾十度至南斗十一度為析木屬幽州自危十六度至奎四度為娵訾屬并州准之星次本皆冀州之域

帝居所在故其界尤大

隋書地理志

周禮職方氏正東曰青州其在天官自須女八度至危十五度為元枵於辰在子齊之分野

同上

析木為雲漢末派山河極焉故其分野自北河末派窮北紀之曲東北負海為析木負海者以其雲漢之

陰也

唐書天文志

大梁析木以負北海其神主於恒山辰星位焉

同上

須女虛危元枵也初須女五度餘二千三百七十四秒四少中虛九度終危十二度其分野自濟北東踰

濟水涉平陰至於山荏循岱岳衆山之陰東南及高
密又東盡萊夷之地得漢北海千乘淄川濟南齊郡
及平原渤海九河故道之南濱於碣石古齊紀祝淳
於萊譚寒及斟尋有過有鬲蒲姑氏之國其地得陬
訾之下流自濟東達於河外故其象著為天津絕雲
漢之陽凡司人之星與羣臣之錄皆主虛危故岱宗
為十二諸侯受命府又下流得婺女當九河末派比
於星紀與吳越同占營室東壁娵訾也初危十三度

餘二千九百二十六秒一太中營室十二度終奎一
度自王屋太行而東得漢河內至北紀之東隅北負
漳鄴東及館陶聊城又自河濟之交涉滎波濱濟水
而東得東郡之地古邶鄘衛凡胙邠雍共微觀南燕
昆吾豕韋之國自閭道王良至東壁在豕韋為上流
當河內及漳鄴之南得山河之會為離宮又循河濟
而東接元枵為營室之分胃昴畢大梁也初胃四度
餘二千五百四十九秒八太中昴六度終畢九度自

魏郡濁漳之北得漢趙國廣平鉅鹿常山東及清河
信都北據中山真定全趙之分又北逾衆山盡代郡
鴈門雲中定襄之地北紀之東陽表裏山河以蕃屏
中國為畢分循北河之表西盡塞垣皆髦頭故地為
昂分冀之北土馬牧之所蕃庶故天苑之象存焉尾
箕析木津也初尾七度餘二千七百五十秒二十一
少中箕五度終南斗八度自渤海九河之北得漢河
間涿郡廣陽及上谷漁陽右北平遼西遼東樂浪元

菟古北燕孤竹無終之國尾得雲漢之末派龜魚麗
焉當九河之下流濱於渤海皆北紀之所窮也箕與
南斗相近為遼水之陽盡朝鮮三韓之地在吳越東

南

同上

天寶九載八月五星聚於尾箕熒惑先至而又先去

尾箕燕分也

同上

河北道蓋古冀二州之境漢河內魏渤海清河平原
常山上谷涿漁陽右北平遼西真定中山信都河間

廣陽等郡國又參有東郡河東上黨鉅鹿之地孟懷
澶衛及魏博相之南境為媿訾分邢洛恩貝冀深趙
鎮定及魏博相之北境為大梁分滄景德為元柎分

瀛莫幽易涿平媯檀薊營安東為析木津分

唐書地理志

河東道蓋古冀州之域漢河東太守上黨西河鴈門
代郡及鉅鹿常山趙國廣平國之地河中絳晉慈太
原汾忻潞澤沁遼為實沈分代雲朔蔚武新嵐憲為

大梁分

同上

河南道蓋古豫兗青徐之域青淄密登萊齊棣為元

枵分

同上

北斗七星在太微北三曰璣為人主火其分為梁漢
志主冀州五曰玉衡為音主土其分為燕漢志主兗
州六曰閨陽為律主木其分為趙漢志主揚州七曰
搖光為星主金其分為齊漢志主豫州又曰一至四
為魁魁為璇璣五至七為杓杓為玉衡是為七政第
八曰弼星在第七星右不見漢志主幽州第九曰輔

星在第六星左常見漢志主并州晉志輔星傅乎閩陽所以佐斗成功丞相之象也其色在春青黃在夏

赤黃秋為白黃冬為黑黃

宋史天文志

三台六星兩兩而居起文昌列抵太微西近文昌二星曰上台為司命主壽次二星曰中台為司中主宗室東二星曰下台為司祿主兵又曰上台上星主兗豫下星主荆揚中台上星主梁雍下星主冀下台上

星主青下星主徐

同上

天市垣二十二星在氐房心尾箕斗內宮之內東蕃
十一星三曰燕七曰齊八曰中山九曰九河十曰趙
十一曰魏西蕃十一星三曰梁九曰晉十曰河間上同

東方尾宿九星按漢永元銅儀尾宿十八度唐開元
游儀同舊去極百二十度一云百四十度今百二十
四度景祐測驗亦十八度距西行從西第二星去極
百二十八度在赤道外二十二度乾象新書二十七
度箕宿四星按漢永元銅儀箕宿十度唐開元游儀

十一度舊去極百十八度今百二十度景祐測驗箕
四星十度距西北第一星去極百二十三度南方虛
宿二星按漢永元銅儀以虛為十度唐開元游儀同
舊去極百四度今百一度景祐測驗距南星去極百
三度在赤道外十二度危宿三星按漢永元銅儀以
危為十六度唐開元游儀十七度舊去極九十七度
距南星去極九十八度在赤道外七度營室二星按
漢永元銅儀營室十八度唐開元游儀十六度舊去

極八十五度景祐測驗室十六度距南星去極八十
五度在赤道外六度壁宿二星按漢永元銅儀東壁
二星九度舊去極八十六度景祐測驗壁二星九度
距南星去極八十五度西方昴宿七星按漢永元銅
儀昴宿十二度唐開元游儀十一度舊去極七十四
度景祐測驗昴宿十一度距西南星去極七十一度
畢宿八星按漢永元銅儀畢十六度舊去極七十八
度景祐測驗畢宿十七度距畢口北星去極七十七

度

同上

十二國十六宿在牛女南近九坎各分土居列國之
象九坎之東一星曰齊齊北二星曰趙秦南一星曰
代代西一星曰晉韓北一星曰魏楚南一星曰燕陶
隱居曰趙二星在鄭南燕一星在楚南晉一星在代
北代二星在秦南齊一星在燕東

同上

五車五星在畢宿北東北一星曰天獄主辰星燕趙
分及幽冀主稻東南一星曰天倉主歲星衛分并州

主麻

同上

黃道宿度虛十

秒六十四

危十七

太

室十七壁九昴十一

畢十六尾十七箕十

宋史律
歷志

析津本晉薊縣改薊北縣開泰元年更今名以燕分

野旅寅為析木之津故

遼史地
理志

野旅寅野謂星野旅謂躔次寅者辰舍東方之位燕

分析津之所也

遼史國
語解

大都北極出地四十度太強夏至晷景長一丈二尺

三十六分畫六十二刻夜三十八刻

元史天
文志

周天列宿度古用管闕今新制渾儀測用二線所測
度數分秒與前代不同尾十九度一十分箕十度四
十分虛八度九十五分危十五度四十分室十七度
一十分壁八度六十分昴十一度三十分畢十七度

四十分

元史
歷志

黃道宿度尾十七

九十
五

箕九

五十
九

虛九

分空
九

危十五

九十
五室十八

三十
二

壁九

三十
四

昴十一

〇畢十六

五十
同上

黃道十二次宿度危十二度六十四分九十一秒入
娵訾之次辰在亥畢六度八十八分五秒入實沈之
次辰在申尾三度一分一十五秒入析木之次辰在

寅

同上

太陽黃道十二次入宮宿度危十三度三十九分五
十九秒外入衛分娵訾之次辰在亥畢七度九十六
分六秒外入晉分實沈之次辰在申尾三度九十七
分七十二秒外入燕分析木之辰在寅

同上

天有九野九千九百九十九隅去地五億萬里五星二十八宿東方曰蒼天其星房心尾東北曰變天其星箕斗牽牛北方曰元天其星須女虛危營室西北方曰幽天其星東壁奎婁西方曰昊天其星胃昴畢北方水也其帝顓頊其佐元冥執權而治冬其神為

辰星

淮南鴻烈
天文訓

辰星正四時常以二月春分効奎婁以五月夏至効東井輿鬼以八月秋分効角亢以十一月冬至効斗

牽牛出以辰戌入以丑未出二旬而入晨候之東方

夕候之西方

同上

星分度尾十八箕十一四分一虛十危十七營室十

六東壁九昴十一畢十六

同上

甲齊戌魏壬衛辰晉己衛申齊戌趙亥燕

同上

甲戌燕也乙酉齊也壬子趙也已酉己卯魏也

同上

辰星水精生元武

抱朴子

辰星主幽州

星經

尾九星如鉤蒼龍尾箕四星形狀如簸箕虛上下各
一如連珠危三星不直舊先知室兩星上有離宮出
壁兩星下頭是霹靂昂七星一聚實不少畢恰似爪

又八星出

步天歌

自婺女八度至危十六度曰元枵之次一名天黿於
辰在子謂之困敦於律為大呂斗建在丑今齊分野
自危十七度至奎四度曰豕韋之次一名娵訾於辰
在亥謂之大淵獻於律為太簇斗建在寅今衛分野

自胃七度至畢十一度曰大梁之次於辰在酉謂之
作噩於律為姑洗斗建在辰今趙分野自畢十二度
至東井十五度曰實沈之次於辰在申謂之湣灘於
津為中呂斗建在巳今晉魏分野自尾十度至斗七
度百三十五分而終曰析木之次於辰在寅謂之攝
提格於律為應鍾斗建在亥今燕分野

帝王
世紀

辰星一曰熊星一曰鈎星一曰箕星一曰鼎星一曰
鬻星一曰伺星北方黑帝叶光紀之神元武之宿水

之精也

觀象
玩占

尾漢太初歷洛下閎所測十八度宋皇祐所測十九
度崇寧所測十九度少元授時歷郭守敬所測十九
度一十分算太初歷一十度皇祐所測十度元豐所
測十一度崇寧所測十度半授時歷所測十度四十
分

虛太初歷十度唐一行所測十度太強元豐所測九
度少強授時歷所測八度九十五分危太初歷十七

度皇祐所測十六度崇寧所測十五度半授時歷所
測十五度四十分室太初歷十六度一行所測十六
度皇祐所測十七度授時歷所測十七度一十分壁
太初歷九度崇寧所測八度太授時歷所測八度六
十分昴太初歷十一度崇寧所測十一度少授時歷
所測十一度三十分畢太初歷十六度一行所測十
七度皇祐所測十八度元豐所測十七度崇寧所測
十七度少授時歷所測十七度四十分

古今律
歷考

星度分野十二次東西南北相反者四疑似者七所
可據者其惟析木乎其宿尾箕亦良之維燕可以言

東北也

樂軒
集

古之人有以天河斷兩戒者天猶卵也經星之次環
其四周銀河之所界者半其餘則天市太微位焉故
二十八舍其附於河者三之二沿之河以分其勢稽
紫宮以定其餘有條有次故秦雖西而位坤維之鶉
首雲漢之升兩戒之道也吳雖東南而位坤維之星

紀雲漢之降兩戒之終也燕窮北紀之曲故以末派
之析木為燕蓋星河之流起於井終於箕則南者反

北北者反南矣

虞齊十
一葉

北方黑色其類水其應上為辰星

素問

辰星北方之位黑帝之子

天官
星占

北斗七星間相去九千里皆在日月下

長曆

布度定紀布州繫象雍屬魁箕屬樞兗青屬機徐揚
屬權荆屬衡梁屬開陽豫屬瑤光

廣雅

順天府河間府天文尾箕分野永平府延慶州保安
州萬全都指揮司天文尾分野保定府天文尾箕兼
昴畢分野真定府天文昴畢分野順德府廣平府天

文昴分野大名府天文室壁分野

明統志

九州十二域或繫之北斗或繫之二十八宿或繫之
五星冀主樞此繫之北斗也析木燕此繫之二十
八宿者也辰星主燕趙代此繫之五星者也
地理通釋
地有山嶽以宣其氣精鍾為星星也者體生於地精

成於天列居錯峙各有追屬紫宮為皇極之居太微
為五帝之廷明堂之房大角有席天市有坐蒼龍連
蜷於左白虎猛據於右朱崔奮翼於前靈龜圈首於
後黃神軒轅於中六擾既蓄而狼蜃魚鱉罔有不具
在野象物在朝象官在人象事於是備矣衆星列布
其以神著有五列焉是為三十五名一居中央謂之
北斗動變挺占實司主命四布於方為二十八宿日
月運行歷示吉凶五緯經次用告禍福則天心於是

見矣近天則遲遠天則速行遲者覲於東屬陽行速者覲於西屬陰攝提熒惑地候見晨附於日也太白

辰星見昏附於月也

張衡
靈憲

杜預曰陰陽之運隨動而差差而不已遂與厯錯夫所以差者由天周有餘日周不足也天周有餘則天常平運而舒日周不足則日常內轉而縮天日之差於中星驗焉堯之冬至初昏卯中而日在虛七度虛者北方之宿則日行北陸躔於元枵之子也今之冬

至初昏室中而日在箕三度箕者東方之宿則日行東陸躔於析木之寅也計今去堯未四千年而差五

十度矣

鄭曉天文述

天有三垣紫微太微天市是也紫微太微皆將相輔佐之位而天市下垣則列國星宿之所在其星東西二十有二宋南海燕東海徐吳越齊中山趙九河魏韓楚梁巴蜀秦鄭河中河間晉周曰分野者指列星所屬之分而言鄭氏謂星所主土是也其國在此而

星則在彼彼此若不相配而其為象未嘗不相屬非地之在北者其分野在天亦居北地之在南者其分

野在天亦居南也

蘇伯衡
論分野

河間地錯燕齊趙三國之交稽古以星分野尚矣而義有不盡於辰次者如北斗五衡主趙開陽主燕搖光主齊五車東北一星主燕趙中台下一星主冀州須女下十二國星齊一星在九坎之東齊北二星為趙又燕一星與趙對峙天市垣西藩第十星曰河間

東藩第九星曰九河夫瀛非九河故道乎非冀之遺
封乎非燕齊趙分壤乎是皆可以廣瀛之占而不拘
於辰次者而河間之分尤有可疑者法以析木占燕
元枵占齊大梁占趙夫三國之地相鄰三國星次不
相近析木去元枵越一次去大梁隔四次則愈遠矣
今合燕齊趙交境置河間府地為一郡之地星非一
次之星何所據乎考古分野多推漢書為詳漢以高
樂重合為齊分以武垣章武為趙分及考漢地志武

垣省入河間章武有鹽官近千童廢縣在鹽山重合
在滄州高樂在南皮夫武垣在高樂之西為趙分矣
高樂為齊分章武越在高樂之東而反屬趙於理安
乎或孟堅止撫舊文而未躬履其地惟唐法象志以
兩戒分山河以斗為綱以雲漢為紀箕尾為地紀之
窮居天之艮而箕列天漢有津梁之義亦曰天津下
達於地以太華與終南為地絡渤海為絡尾渤海負
海居地之寅亦處津如故上應天津而占箕尾且考

古占書桓公霸齊五星聚於箕唐天寶間幽薊首事
五星亦聚於箕是以法象及占書考之箕尾占瀛或
有符者如必欲分占之則以滄景二州及近州治者
用占箕宿兼女虛以府治及近府者占尾宿而帶女
庶幾近之蓋女本越分渤海瀕海亦有楊越之象且
須女上列天津而西近天市河間星於滄或亦符焉

河間府

志考疑

魏在冀東南境其星背觜參分野按通志云其域冀

究其星室壁其分野衛魏此特槩論大名府耳蓋府城之東與兗接壤府城之南如開州長垣東近濮上而濬縣滑縣西近懷慶衛輝彰德俱為衛地其星野的是室壁故通志槩論云云若魏另在府城西北四十餘里與兗衛俱遠正是古冀東南境其星野名室壁似為未合又按郡志云昴畢冀趙之分野魏縣大名內黃元城屬之蓋據周禮註疏云昴畢冀州及隋書天文志云自胃七度至畢十二度為大梁屬冀州

自尾十度至南斗十一度為析木屬幽州自尾十六度至奎四度為娵訾屬并州自柳九度至張十二度為鶉火屬三河推之星次皆古冀州之域而且悉舉魏郡鄴都汲郡河內等處風俗以實之然魏縣本亦鄴都境壤也據此則為昴畢似無可疑况又考據漢書地理志云趙地昴畢之分野昔趙分晉地得之北有信都正定常山中山東有廣平鉅鹿清河河間南至浮水繁陽西有太原定襄雲中五原上黨由此觀

之彼時繁陽內黃皆是鄰封而清河亦曾為大名府屬縣則魏縣顯亦趙國郡壤而星野與今郡志又同似愈無可疑矣但考地理志又以魏地為滷參之分野而以室壁星分屬之衛及考其所謂魏者乃高陵以東盡河東河內也所謂衛者乃東郡魏郡黎陽河內也然晉地本殷之舊都周克殷分為三國詩經風邶鄘衛是也即今河內河東等處而河內則今懷慶衛輝等處河東則今彰德大名等處皆是當戰國時

總皆衛地今星野分別似大相違得非地理志亦且
自相刺謬耶及又考據周禮春官保章氏所掌分星
之辨亦以觜觴參為魏分野謂當河東盡大夏之墟
上黨居下流與趙魏接壤皆是而所謂趙冀分野則
自濁漳之北盡趙郡雲中定襄皆是而星分則昂畢
也衛分野則自閣道王良至東北為河濟之上流河
內及漳鄴之南又循河濟而東皆是而星分則營室
也由是則魏衛之分益明而星野為觜觴參庶不甚

謬也

魏縣志

按杜佑通典文獻通考古兗州其在天文營室東壁則衛之分野兼魏宋齊趙之交蔣將陵長河

舊唐

川春秋戰國皆屬齊滄州清池長蘆鹽山景城弓

高南皮東光臨津無棣春秋戰國時為齊趙二國之境趙畿內邑也昴畢趙冀州河間入畢十度星野無可議者惟齊之星野自須女八度至危十五度為元枵於辰在子州郡躔次虛危齊青州各書

滄景諸邑屬古兗州而兗州星野自軫十二度至
氐四度為壽星於辰在辰鄭之分野夫滄景諸邑
既屬兗州則州郡躔次為角亢氐鄭兗州明矣迺
列滄景於古衮州之域而又稱屬齊仍為元枵之次
則滄景諸邑竟為古青州之域而非兗州矣如通
典通考所載為營室東壁衛之分野或為近之宋
洪邁容齋隨筆云十二國分野上屬二十八宿其
最不可曉者莫如晉天文志謂自危至奎為娵訾

於辰在亥衛之分野屬并州而或為冀州或為兗
州涼州於并州了不相干又謂自畢至東并為寶
沈於辰在申魏之分野屬益州而河內河東於益
州亦不相干雍州為秦或又自屬并州幽州豈非
蔽於天而不知地乎今滄景諸邑星次為青齊而
壤地實屬兗州亦所不可曉者諸說仍存其舊附
錄於此以備參攷

畿輔通志卷十二

欽定四庫全書

史部

議輔通志卷十三

詳校官監察御史臣劉人春

檢討臣德生覆勘

總校官進士臣繆琪

校對官庶吉士臣吳裕德

謄錄監生臣徐瑤

欽定四庫全書

畿輔通志卷十三

建置沿革

京畿在周職方為幽冀并三州之地旁延兗豫自殷以前載籍無徵著於春秋十二諸侯之譜者是為燕晉之疆及秦并天下罷侯置守是為鉅鹿邯鄲遼西右北平上谷漁陽代郡漢興郡國相錯為國者七為郡者十其在於晉為國者十有三為郡者十有一其在

於隋為郡者十有九其在於唐為河北道而旁延於河東河南為州者二十有九宋分河北為東西二路建康以後地入於金金建五京置十四總管元立中書省以分鎮藩服而河北之為路者九明建北京屬府八州十有九縣百二十有六我

世祖章皇帝定鼎於茲省遼縣入通州省興濟入青縣併永寧入延慶阜平縣入曲陽行唐

聖祖仁皇帝改宣府鎮為宣化府升遵化縣為州復置阜平

縣我

皇上嗣位申畫畿疆改山西之蔚州以隸宣化河南之磁州以隸廣平山西之廣昌以隸易州大名之滑濬內黃以隸河南分順天之豐潤玉田以屬永平分保定之涑水以屬易州深澤以屬定州建天津府沿河一州五縣屬焉升易冀趙深定竝為直隸州設承德州於熱河改梁城所為寧河縣或以厚邊鎮而固屏藩或以廣營田而盡水利或以綰河防而利漕運或以

便吏治而達民情特設直隸布政使司統十府二十有三州一百二十縣規模宏遠區畫周詳皆

聖德之所廣運云

直隸布政使司

顯頊都於帝邱其地北至幽陵

顯帝之所建帝嚳受之創制九州統領萬國北至

於幽陵

文獻
通考

唐堯使禹平水土為冀兗二州之域

帝堯時禹平水土以為九州虞舜表提類而分區
宇判山河而考疆域冀北創并部之名燕齊起幽

營之號

晉書地理志

虞舜肇十有二州以冀州南北濶大分衛水為并州
燕以北為幽州

十二州冀兗青徐荆揚豫梁雍幽并營也中古之
地但為九州曰冀兗青徐荆揚豫梁雍禹治水作
貢亦因其舊及舜即位以冀青地廣始分冀東恒

山之地為并州其東北醫無閭之地為幽州又分

青之東北遼東等處為營州

尚書集注

夏省幽并仍為冀兗之域

古有九州舜置十二州至夏還為九州

周禮疏

商因之

兩河間曰冀州河南曰豫州河西曰豳州漢南曰

荊州江南曰揚州濟河間曰兗州濟東曰徐州燕

曰幽州齊曰營州

爾雅

此蓋殷制

爾雅注

禹別九州

有青徐梁而無幽并營是夏制也周禮有青并幽而無徐梁營是周制也此有徐幽營而無青梁并

疑是殷制也

爾雅疏

周為幽冀并兗之地

東北曰幽州河內曰冀州正北曰并州河東曰兗

州

周禮

周之冀州小於禹貢時冀州以其北有幽州并州

故知也

周禮疏

李巡曰燕其氣深要厥性剽疾故曰幽幽要也禹

貢其地合於冀州也

爾雅疏

周成王時改作禹貢冀野析於幽并

晉書地理志

春秋為燕晉衛齊諸國地戰國時為燕趙魏齊四國之疆

武王封召公於燕其後三十六世俱稱王東有漁陽右北平遼西遼東西有上谷代郡鴈門南得涿郡之易容城范陽北新城故安涿縣良鄉新昌及

渤海之安次皆燕分也

漢書地理志

趙分晉得趙國北有信都正定常山中山又涿郡之高陽鄭州鄉東有廣平鉅鹿清河河間又渤海郡之東平舒中邑文安東州成平章武河以北也南至浮水繁陽內黃斥邱皆趙分也

同上

齊地北有千乘清河以南渤海之高樂高城重合

陽信皆齊分也

同上

秦制天下為四十郡置上谷漁陽右北平遼西代郡

邯鄲鉅鹿東郡等郡

漢武置十三州此為幽冀兗三州地

冀州刺史領魏郡鉅鹿常山清河廣平正定中山
信都河間趙國兗州刺史領陳留東郡幽州刺史
領涿郡勃海代郡上谷漁陽右北平遼西廣陽

潛 碓

類 書

後漢三國因之

幽州刺史部薊本燕國刺史治冀州刺史部高邑

故鄆光武更名刺史治

後漢書
郡國志

後漢因前代冀州理於鄆今趙郡高邑縣幽州理

薊今范陽郡縣

文獻
通考

晉初仍屬四州永嘉後為劉元海石勒慕容雋苻堅

慕容垂地

晉十九州冀治房子

今趙州
臨城縣

幽治涿

今幽州范陽
縣地理通

釋

惠帝之後冀州淪沒於石勒勒以太興三年僭號

於襄國稱趙後為慕容雋所滅慕容氏又為符堅所滅孝武太元八年堅敗其地入慕容垂垂僭號

於中山是為後燕

晉書地理志

惠帝後幽州沒於石勒穆帝永和五年慕容雋僭號於薊是為前燕七年雋移都於鄴雋死子暉為符堅滅堅敗地復入慕容垂是為後燕

同上

後魏初增置定相平安瀛東燕滄殷南營九州共領四十三郡

司州太祖天興四年置相州天平元年遷都改定
州皇始二年置安州天興三年改瀛州太和十一
年分定州河間高陽冀州章武浮陽置殷州孝昌
二年分定相二州置滄州熙平二年分瀛冀二州
置安州皇興二年置南營州永熙二年置東燕州
太和中分恒州東郡置天平中寄治幽州宣都地
平州晉置治肥如城

魏書地
形志

按相州別有三郡入河南省界

北齊置東北道行臺

後周置幽州總管府

隋大業初府廢改為涿郡上谷漁陽北平遼西安樂
檀州河間博陵常山信都趙郡襄國武安清河十五
郡屬冀州武陽勃海二郡屬兗州

武陽郡後周置魏州渤海郡開皇六年置棣州大
業三年為滄州信都郡舊置冀州清河郡後周置
貝州襄國郡開皇十六年置邢州武安郡後周置

洺州趙郡開皇十六年置樂州大業三年改為趙
州常山郡後周置恒州博陵郡舊置定州河間郡
舊置瀛州涿郡舊置幽州上谷郡開皇元年置易
州漁陽郡開皇六年徙元州於此北平郡舊置平
州安樂郡舊置安州檀州郡後周為元州開皇十

六年州徙尋置檀州

隋書地理志

唐武德初復改諸郡為州三年置幽州總管府邢洺
魏定等州皆置總管府尋罷貞觀初分幽薊檀媯平

涿瀛莫易定滄景鎮冀深邢趙洺貝魏澶二十一州
屬河北道後又增祁州順州天寶以後分置范陽盧
龍成德魏博義武橫海等節度使

天寶元年更幽州節度使為范陽節度使寶應元
年范陽節度使復為幽州節度使又兼盧龍節度
使置成德軍節度使治恒州廣德元年置魏博節
度使治魏州建中三年置義武軍貞元三年置橫
海軍節度使治滄州太和三年罷橫海節度更置

齊滄德節度使五年賜號義昌軍節度天祐元年
賜魏博節度號天雄軍節度二年更成德軍節度

號武順軍節度

唐書方
鎮表

五代後唐平州入契丹石晉天福初割幽涿瀛莫檀
薊順媯新儒武震等州入契丹周顯德二年廢景州
為定遠軍六年復三關增置雄霸二州於是與遼以
白溝河為界遼會同元年建為南京道領順檀涿易
薊景平等州其奉聖歸化可汗儒弘等州屬西京道

宋雍熙四年分河北為東西兩路端拱二年併為一路熙寧六年復為兩路宣化五年幽州入宋置燕山府路其後三路俱入於金

東路領大名開德河間三府滄冀博棣莫雄霸德濱恩清十一州德清保順永靜信安保定五軍西路領正定中山信德慶源四府相濬懷衛洺深磁祁保九州天威北平安肅永寧廣信順安六軍

宋史

宣和間與金合兵攻契丹五年以其地來歸七年

郭藥師以燕山叛沒于金

文獻通考

金天德三年遷都燕京改為中都路仍分河北為東

西路又分置大名府路

金史中都路領大興府通薊易涿順平灤雄霸保

安遂安肅等十三州河北東路領河間府蠡莫獻

冀深清滄景八州西路領正定中山彰德三府威

沃邢洺磁祁濬滑七州大名府路領開州其德興

府宣德弘武等州仍屬西京路

元初為燕京路總管至元二十一年置大都路總管
府又分為永平河間保定正定順德廣平大名共八
路皆屬中書省謂之腹裏

元史大都路領涿霸通薊鄆順檀東安固安龍慶
十州永平路領灤州河間路領滄景清獻莫陵六
州保定路領易祁雄安遂安肅完七州正定路領
中山府趙冀深晉蠡五州廣平路領磁威二州大
名路領開滑濬三州其順寧府保安州則屬上都

路

明洪武九年置北平等處承宣布政使司

洪武元年大將軍徐達等克元都詔改為北平設

北平行中書省并置燕山大興永清等六衛九年

革行省設承宣布政使司

明太祖
實錄

永樂元年建北京稱行在十九年始都北京改布政

司為北直隸

北京東抵遼東北並邊西抵山西南抵山東自昌

平經順天保定正定順德廣平至大名府南北一
千一百三十里自山海關經通保定正定至井陘
東西一千二百八十里

潛確
類書

本朝

世祖章皇帝統一萬方定鼎建都順天永平保定河間正定
順德廣平大名八府直隸

京師康熙三十二年改宣府鎮為宣化府雍正二年特
置直隸布政使司升正定府屬之定冀晉趙深五州

俱為直隸州三年改天津衛為直隸州七年升河間
府屬之滄州為直隸州九年復改天津州為縣降直
隸滄州為州更置天津府改梁城所為寧河縣十一
年於熱河建承德州十二年復降直隸晉州為州升
保定府屬之易州為直隸州併轄山西之廣昌縣今
領府十州二十三縣一百二十

順天府

禹貢冀州之域周武王封召公奭於此是為北燕

北燕伯朝於晉

春秋襄公二十八年左氏傳

世本曰居北燕宋忠曰有南燕故云北燕

史記注

秦為上谷郡地

秦四十郡幽為上谷郡

輿地廣記

漢高帝時為燕國

二世元年九月韓廣為趙略地至薊自立為燕王

始

史記秦楚之際月表

項羽分燕為二臧荼為燕王廣為遼東王

史記索隱

漢五年七月從擊燕王臧荼臧荼降八月廼立盧

綰為燕王

史記盧綰傳

元鳳元年置廣陽郡

按水經注言秦始皇滅燕以為廣陽郡今攷史記始皇紀三十六郡無廣陽之名當以昭帝置者為定

本始元年更為廣陽國

本始元年廣陽項王建以刺王子紹封

漢書諸侯王表

廣陽國高帝燕國昭帝元鳳元年為廣陽郡宣帝

本始元年更為國縣四薊方城廣陽陰鄉

漢書地理志

建武十三年省入上谷郡永平八年復為廣陽郡置

幽州刺史治於此

廣陽郡世祖省併上谷永平八年復五城薊廣陽

昌平軍都安次

後漢書郡國志

後漢州刺史所治幽治薊

通典

光武封叔父良為廣陽王十五年徙王趙省廣陽

合上谷和帝永安元年復立廣陽郡幽州刺史與

郡同理

太平案
字記

建安十八年改屬冀州

時省幽并州以其郡國并冀州

獻帝
春秋

三國魏為燕國

太和六年詔曰其改諸侯王皆以郡為國

三國魏
志明帝

紀

太和六年改封燕王

三國魏志
燕王守傳

晉太康中改屬幽州永嘉後後趙改為燕郡仍屬幽州永和六年前燕徙都於此其後符堅慕容垂迭有其地州郡之名如故

燕國漢置孝昭改為廣陽郡統縣十

晉書地理志

石勒於薊置幽州於州置燕郡

太平寰宇記

穆帝永和六年燕王儁擊趙拔薊徙都之

通鑑綱目

後魏為幽州治

幽州治薊城燕郡領縣五薊廣陽良鄉軍都安城

魏書地

形志

北齊置東北道大行臺後周改置總管府

北齊於州置東北道行臺後周改立總管府於州

太平寰

宇記

隋開皇三年廢燕郡置幽州總管府如故大業三年

廢幽州改置涿郡

涿郡統縣九

隋書地理志

後周改置燕范陽二郡隋開皇三年廢郡所領縣

屬州大業三年罷州以其地并入涿郡

太平寰宇記

按文獻通考開皇三年廢郡以州治民大業三年改州為郡蓋後周以前之州乃統郡之州猶今之布政司隋以後之州乃統縣之州與今之各府同

唐武德元年復為幽州仍置總管府六年改大總管府七年改大都督府

高祖改郡為州太守為刺史又置都督府以治之

唐書地

理志

武德初邊要之地置總管以統軍七年改總管曰

都督總十州者曰大都督

唐書百官志

貞觀元年屬河北道

河北道幽為析木津分

唐書地理志

十道四曰河北

唐六典

開元二年置幽州節度使天寶元年更州為范陽郡
幽州節度使為范陽節度使乾元元年復改郡為幽

州

幽州范陽郡大都督府本涿郡天寶元年更名

唐書

地理

志

開元元年幽州置防禦大使二年置幽州節度諸

州軍管內經略鎮守大使治幽州天寶元年更幽

州節度使為范陽節度使寶應元年范陽節度使

復為幽州節度使又兼盧龍節度使

唐書方
鎮表

乾寧中為劉仁恭地

梁初別為十一國北有燕劉仁恭

地理通釋

五代後唐仍為幽州

莊宗初起并代取幽滄有州三十五其後合一百

二十三州以為唐

五代史職方考

晉天福中入於遼

石氏入立獻十有六州於契丹

五代史職方考

會同元年改幽州為幽都府升為南京

天顯十年以幽州為南京改天顯十年為會同元

年

五代史
附錄

開泰元年改南京為燕京幽都府為析津府屬南京

道

南京析津府太宗升為南京又曰燕京府曰幽都
軍號盧龍開泰元年落軍額統州六縣十一析津
縣宛平縣昌平縣良鄉縣潞縣安次縣永清縣武
清縣香河縣玉河縣灤縣順州懷柔縣檀州密
雲縣行唐縣涿州范陽縣固安縣新城縣歸義縣

易州易縣涑水縣容城縣薊州漁陽縣三河縣玉

田縣景州遵化縣

遼史地
理志

中都路遼會同元年為南京開泰元年號燕京大
興府遼會同元年府曰幽都仍號盧龍軍開泰元

年更為永安析津府

金史地
理志

保大末入於金天輔七年入於宋

天輔七年二月詔平州官與宋使同分割所與燕

京六州之地

金史大
祖紀

宣和五年為燕山府屬燕山路

宣和四年十月改燕京為燕山府涿易八州並賜
名五年正月以王安中為河北河東燕山府路宣
撫使知燕山府四月癸巳金遣楊璞以燕京涿易

檀順景薊州來歸庚子童貫蔡攸入燕

宋史徽宗記

尋仍入金天會三年仍曰燕京析津府七年屬河北
東路貞元元年改燕京為聖都尋改中都析津府為
大興府建都焉

天德三年詔遷都燕京貞元元年改燕京為中都

府曰大興

金史海陵記

貞元元年以燕乃列國之名不當為京師號遂改為中都大興府天會七年屬河北東路縣十大興宛平安次鄴陰永清寶坻香河昌平武清良鄉鎮

一廣陽

金史地理志

元太祖十年為燕京路總管大興府至元元年改燕京為中都大興府仍舊定都之九年改中都為大都

二十一年改大興府為大都路總管府直隸中書省
大都路太祖十年克燕初為燕京路總管大興府
世祖至元元年中書省臣言燕京分立省部乞正
名遂改中都其大興府仍舊四年始於中都之東
北置金城而遷都焉九年改大都十九年置留守
司二十一年置大都路總管府領縣六州十州領
十六縣縣六大興宛平良鄉永清寶坻昌平州十
涿州領范陽房山霸州領益津文安大城保定通

州領潞縣三河薊州領漁陽豐潤玉田遵化平谷
朔州領香河武清順州檀州東安州固安州龍慶

州領懷來

元史地理志

明洪武元年八月改大都路為北平府九月置大都
督分府於此十月隸山東行省二年三月置北平行
省以北平府隸焉九年改北平行省為北平承宣布
政使司永樂元年正月以北平為北京稱行在改北
平府為順天府

洪武元年八月壬午詔改大都路為北平府九月
壬寅置大都督分府於北平十月庚寅以北平府
隸山東二年三月癸丑置北平行省先北平之府

州縣隸山東者皆復其舊

明太祖
實錄

永樂元年正月辛卯制以北平為北京庚戌改北

平府為順天府

明成祖
實錄

順天府領州五縣二十二大興縣宛平縣良鄉縣
固安縣永清縣東安縣香河縣通州三河縣武清

縣灤縣寶坻縣昌平州順義縣密雲縣懷柔縣涿
州房山縣霸州文安縣大城縣保定縣薊州玉田

縣豐潤縣遵化縣平谷縣

明統
志

本朝順治初裁灤縣入通州康熙十五年升遵化縣為
州領州六縣二十統於順天府尹竝屬布政司而以
霸昌通永二道分轄焉

按舊分大興宛平霸州保定文安大城涿州房
山良鄉固安昌平州順義懷柔密雲永清東安

香河屬霸昌道通州三河武清寶坻薊州遵化
州平谷豐潤玉田屬通永道雍正四年以通永
道專司河務通州三河等州縣并屬霸昌道而
以豐潤玉田二縣分屬永平府九年改寶坻縣
之梁城所為寧河縣十一年置熱河承德州十
二年仍以通州三河等七州縣分屬通永道今
領州七縣十九

大興縣

周初薊國春秋時為燕國都秦置薊縣屬上谷郡
漢初為燕國都昭帝元鳳元年置廣陽郡治此宣
帝本始元年更為國光武省并上谷永平八年復
置廣陽郡治三國魏為幽州燕國治晉因之後魏
為幽州燕郡治北齊周因之隋開皇初廢燕郡為
幽州大業初廢幽州為涿郡治唐為幽州范陽郡
治屬河北道晉天福初入遼改曰薊北縣會同元
年改為南京幽都府治開泰元年改府為析津府

縣為析津縣為燕京治仍屬南京道保大末入於
金尋入宋為燕山府治宣和七年仍入金貞元元
年改燕山府為大興府二年改析津縣為大興縣
元至元九年為大都路治明洪武初為北平府治
永樂七年為順天府治

本朝因之

宛平縣

漢薊縣地隋置遼西郡以處降人唐武德元年改

曰燕州六年遷於幽州城開元二十五年徙治幽州北桃谷山天寶元年曰歸德郡建中二年廢郡為幽都縣晉天福初入遼開泰元年改為宛平縣屬南京道析津府金為大興府治元為大都路治明初為北平府治永樂七年改為順天府治

本朝因之

良鄉縣

漢置廣陽縣屬廣陽國後漢因之晉屬范陽國後

魏屬燕郡北齊省入薊縣唐為良鄉縣地五代唐
長興三年始移良鄉縣來治屬幽州晉天福中入
於遼屬燕京析津府保大末入於金尋入宋屬燕
山府宣和七年仍入金屬大興府元屬大都路明
初屬北平府尋屬順天府

本朝因之

固安縣

漢置方城縣屬廣陽國後漢屬涿郡晉屬范陽國

後魏屬范陽郡齊廢隋開皇六年改置固安縣屬
幽州尋屬涿郡唐武德四年屬北義州貞觀元年
屬幽州大歷四年改屬涿州晉天福中入於遼屬
燕京析津府保大末入於金尋入宋屬涿州尋仍
入金屬涿州隸中都路元憲宗九年改屬霸州又
改屬大興府中統四年升為州明洪武元年改州
為縣屬北平府永樂元年屬順天府

本朝因之

永清縣

漢益昌縣地晉以後為安治方城二縣地唐如意
元年分安次置武隆縣屬幽州景雲元年改曰會
昌天寶元年又改曰永清五代晉天福初入遼屬
析津府保大末入於金尋入宋屬燕山府宣和七
年仍入金屬大興府元屬大都路明初屬北平府
後屬順天府

本朝因之

東安縣

漢置安次縣屬渤海郡後漢屬廣陽郡晉屬燕國
後魏為安城縣仍屬燕郡隋復曰安次縣屬涿郡
唐屬幽州晉天福中入於遼仍曰安次縣保大末
入於金尋入宋屬燕山府尋仍入金屬大興府元
太宗七年改屬霸州中統四年升為東安州屬大
都路明洪武九年改為東安縣屬北平府後屬順
天府

本朝因之

香河縣

唐武清縣地遼於縣之孫村置香河縣屬析津府
保大末入於金尋入宋宣和中賜名清化尋仍入
金屬大興府元初因之後屬灤州明洪武十年省
縣入灤州十三年復置後屬順天府

本朝因之

通州

漢置潞縣屬漁陽郡晉屬燕國後魏仍屬漁陽郡
後為郡治隋開皇初郡廢屬涿郡唐武德二年置
元州貞觀初州廢仍屬幽州遼因之金天德三年
於縣置通州屬大興府元屬大都路明初以州治
潞縣省入屬北平府後屬順天府

本朝順治九年省灤縣入州仍屬順天府

三河縣

漢潞縣地唐武德二年析置臨洵縣屬元州貞觀

初廢開元四年析潞縣置三河縣屬幽州十八年
改屬薊州五代初廢後唐長興三年復置晉天福
中屬於遼屬薊州尚武軍保大末入於金尋入宋
宣和五年屬廣川郡七年仍入金天德三年升潞
縣為通州以縣隸焉元因之屬大都路明屬順天
府通州

本朝因之

武清縣

漢置泉州縣屬漁陽郡晉屬燕國後魏太平真君
七年為漁陽郡治隋屬涿郡唐屬幽州天寶初置
武清縣晉天福中入於遼屬析津府保大末入於
金尋入宋宣和五年屬燕山府七年仍入金屬大
興府元至元十三年改屬鄆州明初改隸通州後
屬順天府通州

本朝因之

寶坻縣

漢泉州縣地唐為武清縣地遼為香河縣地金大
定十二年以新倉鎮置寶坻縣承安三年升置盈
州為大興府支郡以香河武清隸焉尋廢州仍為
縣元屬大都路明洪武十年改隸通州後屬順天
府通州

本朝因之

寧河縣

本寶坻縣梁城所地

本朝雍正九年置縣屬順天府

昌平州

漢置昌平軍都二縣皆屬上谷郡後漢改屬廣陽郡晉屬燕國後魏初省昌平入軍都屬燕郡天平中於軍都城置東燕州及昌平郡昌平縣北齊因之後周州郡俱廢尋又置平昌郡隋初郡廢縣屬幽州大業初屬涿郡唐亦屬幽州石晉時入於遼屬析津府保大末入於金尋入宋屬燕山府宣和

七年仍入金屬大興府元屬大都路明初屬北平府永樂中屬順天府正德元年升為昌平州旋罷八年復升為州

本朝因之

順義縣

漢置狐奴縣屬漁陽郡晉屬燕國後魏廢唐開元二十五年移置燕州來治天寶初曰歸德郡乾元初復曰燕州建中二年省燕州後改為順州五代

晉天福初入遼仍曰順州置歸化軍保大末入於
金尋入宋宣和五年賜名順興郡尋仍入金復曰
順州置溫陽縣元廢縣存州明洪武元年廢州改
置順義縣屬北平府後屬順天府正德八年屬順
天府昌平州

本朝因之

密雲縣

戰國燕置漁陽郡漢兼置漁陽縣為郡治三國魏

郡廢晉并廢縣後魏復置漁陽縣屬漁陽郡又分置密雲縣屬密雲郡治白檀北齊省漁陽縣入密雲隋以密雲縣屬安樂郡唐武德元年於縣置檀州天寶初曰密雲郡乾元初復曰檀州屬河北道五代晉天福初入遼曰檀州武威軍屬南京道保大末入於金尋入宋賜名橫山郡升鎮遠軍節度七年仍入金廢州以縣屬順州隸中都路後復為檀州以密雲縣并入元因之屬大都路明洪武元

年十二月改州為密雲縣屬順天府正德中改屬
昌平州

本朝因之

懷柔縣

漢漁陽縣地唐初為密雲昌平二縣地貞觀二十
二年置彈汗州開元四年改曰歸順州治懷柔縣
天寶初曰歸化郡乾元初復為歸順州遼州以縣
屬順州保大末入於金尋入宋隸順興郡後仍入

金明昌六年更名溫陽元廢明洪武元年十一月
并入檀州十三年十一月復置屬北平府後屬順
天府正德中改屬昌平府

本朝因之

涿州

秦上谷郡地漢高帝六年置涿縣并置涿郡治焉
後漢屬幽州三國魏黃初中改為范陽郡晉為范
陽國後魏仍為范陽郡後齊後周因之隋開皇初

廢郡屬幽州大業初屬涿郡唐武德元年廢郡屬
幽州大歷四年析幽州置涿州五代晉天福中入
於遼仍曰涿州置永泰軍屬析津府保大末入於
金尋入宋賜郡名曰涿水升為威行軍節度七年
入於金仍為涿州屬中都路元太宗八年陞為涿
州路中統四年復為涿州屬大都路明洪武初省
范陽縣入州屬北平府尋屬順天府

本朝因之

房山縣

漢置良鄉縣屬涿郡晉屬范陽國後魏屬燕郡北齊省入薊縣尋復置隋屬涿郡唐屬幽州聖歷元年改為固節縣神龍初復曰良鄉五代唐時徙廢金大定二十九年置萬寧縣以奉山陵明昌二年更名曰奉先屬涿州至元二十七年又改曰房山仍屬涿州明屬順天府涿州

本朝因之

霸州

漢置益昌縣屬涿郡後漢廢為安次縣地唐為永清縣地五代晉天福入於遼周顯德六年取益津關置霸州仍置永清縣為州治以鄭之文安瀛州之大城來屬宋景祐二年廢永清縣入文安政和三年賜名永清郡屬河北東路金大定二十九年創置益津縣為州治貞元二年屬中都路元亦曰霸州中統四年省州治益津縣入州至元二年復

置明洪武初省益津縣入州屬北平府後屬順天府

本朝因之

文安縣

漢置文安縣屬渤海郡後漢屬河間國晉屬章武國後魏屬章武郡隋屬河間郡唐初為瀛州景雲二年改屬莫州五代周顯德六年割屬霸州宋景祐初移入州郭皇祐初復還故地仍屬霸州金屬

霸州隸大興府元屬霸州隸大都路明屬順天府
霸州

本朝因之

大城縣

漢置東平舒縣屬渤海郡後漢屬河間國晉於縣
置章武國後魏曰平舒仍為章武郡治隋開皇初
郡廢屬河間郡唐武德四年屬景州貞觀元年還
屬瀛州五代晉天福初入於遼周顯德六年收復

改曰大城屬霸州宋屬霸州隸河北東路金屬霸
州隸大興府元屬霸州隸大都路明屬順天府霸
州

本朝因之

保定縣

漢涿郡易縣地唐為歸義縣地宋初為歸信縣地
太平興國六年以涿州新鎮建平戎軍景德元年
改為保定軍景祐元年析霸州文安大城二縣五

百戶隸軍宣和七年廢保定軍為保定縣隸莫州
知縣事仍兼軍使尋依舊金復為縣屬雄州元至
元二年省入益津縣四年復仍屬霸州明洪武七
年省入霸州十三年復置縣後屬順天府霸州

本朝因之

薊州

春秋山戎無終子國秦置無終縣屬右北平郡漢
因之晉屬北平郡後魏改屬漁陽郡晉開皇十六

年徙置元州於此兼置總管府大業初府罷尋改置漁陽郡唐武德初郡廢屬幽州開元十八年始析置薊州天寶初曰漁陽郡乾元初復曰薊州屬河北道五代晉天福初入遼曰薊州置尚武軍保大末入於金尋入宋賜郡名曰廣川宣和七年仍入金置漁陽縣為薊州治屬中都路元太祖十年定其地屬大都路洪武初仍為薊州以州治漁陽縣省入復屬順天府

本朝因之

平谷縣

漢置平谷縣屬漁陽郡後漢及三國魏皆因之晉
省後復置唐為漁陽縣金置平峪縣元至元二年
省入漁陽郡十三年復置平谷縣明洪武十年省
平谷縣入三河縣十三年復置平谷縣仍屬順天
府薊州

本朝因之

遵化州

漢置俊靡縣屬右北平郡唐為玉田縣地五代唐始置遵化縣遼重熙中於縣置景州清安軍保大末入於宋賜名灤州郡尋入金廢州仍曰遵化縣屬薊州元因之隸大都路明屬順天府薊州本朝初因之康熙十五年以

陵寢所在

特旨升縣為州屬順天府

永平府

禹貢冀州之域商孤竹國為幽州地春秋為肥子國

應邵曰肥子奔燕燕封於此也

漢書地理志注

平州春秋時山戎肥子二國地

文獻通考

戰國屬燕秦為右北平遼西二郡境漢於遼西郡置肥如縣後漢及晉因之後魏於肥如縣置平州

遼西郡肥如

漢書地理志

平州治肥如城

魏書地理志

領遼西郡

漢末公孫度自稱平州牧取襄平縣為名在今奉
天府遼陽州魏晉置平州治昌黎在口外舊大寧
衛界皆非後魏之平州十六國春秋後燕慕容懿
以令支降魏魏以為平州牧時晉義熙三年魏天
賜四年蓋自是始移平州於今府界又魏書馮文
通傳子崇鎮肥如來降世祖遣李繼持節拜崇領
幽平二州牧封遼西王蓋自是肥如始有平州之

名即今盧龍縣也

又分置北平郡

平州領郡二遼西郡領縣三肥如陽樂海陽北平

郡領縣二朝鮮新昌

魏書地理志

後齊省遼西郡入北平郡隋開皇初郡廢大業初復置北平郡唐武德二年復曰平州

隋為北平郡武德二年改為平州

舊唐書地理志

天寶初仍曰北平郡乾元初復曰平州屬河北道

天寶元年改為北平郡乾元元年復為平州

舊唐書地

地理志

後唐同光初入於遼置遼興軍節度屬南京道

平州遼興軍太祖天贊二年以定州俘戶錯置其

地

遼史地理志

唐末劉仁恭以遺契丹後唐莊宗取之後復入契丹契丹改平州為遼興府以營灤二州隸之號為

平州路

文獻通考

保大三年入於金天輔七年二月建為南京

天輔七年以燕西地與宋遂以平州為南京

金史地理

志

尋入於宋宣和五年建泰寧軍

宣和五年遼將張覺據州來降

宋史地理志

金人聞覺叛遣棟摩將三千騎來討覺拒之營州

棟摩不交鋒而退覺遂妄以大捷聞朝廷建平州

為泰寧軍拜覺節度使

宋史張覺傳

尋仍入金

宣和五年六月遼人張覺以平州來附十一月金

取平州

宋史徽宗紀

天會四年復為平州

天會四年九月復以南京為平州

金史太宗紀

置興平軍節度貞祐三年僑置臨潢府

臨潢府貞祐三年四月嘗僑置於平州

金史地理志

四年入蒙古元太祖十年改興平府中統元年陞平

灤路置總管府大德四年改曰永平路屬中書省

大德四年以水患改永平路

元史地理志

明洪武初曰平灤府屬山東行省明年改隸北平布政司四年又改曰永平府永樂十八年直隸京師

本朝因之領州一縣五雍正三年以順天府之玉田豐潤二縣屬焉領州一縣七

盧龍縣

商孤竹國春秋為肥子國漢置肥如縣屬遼西郡

魏晉因之後魏延和初於此置平州為遼西郡治
又僑置新昌縣為北平郡屬北齊廢遼西郡并所
領海陽縣入肥如隋開皇六年又省肥如入新昌
十八年改新昌曰盧龍大業初置北平郡唐武德
二年改北平郡為平州領臨渝肥如二縣其年自
臨渝移治肥如改為盧龍縣復開皇舊名遼因之
保大末入於金為南京尋入宋屬泰寧軍尋又入
金天會四年為平州興平軍治元為永平路治明

為永平府治

本朝因之

遷安縣

春秋山戎令支國漢置令支縣屬遼西郡後漢因之晉初沒於鮮卑為遼西郡治後魏真君八年省入陽樂後為盧龍縣地五代時入契丹以所俘安喜縣民置安喜縣屬平州金大定七年改曰遷安仍屬平州元至元二年省入盧龍後復置屬永平

路明屬永平府

本朝因之

撫寧縣

漢臨渝縣屬遼西郡晉省為肥如縣地隋為盧龍
縣地隋末復置臨渝縣為北平郡治唐武德二年
改為平州自臨渝移治肥如改為盧龍縣又增置
撫寧縣七年二縣俱省貞觀十五年於故臨渝縣
置臨渝屬平州萬歲通天二年改曰石城五代初

入契丹徙置石城於縣南五十里以就鹽官金大定二十九年以新安鎮置撫寧縣屬平州元至元二年省入昌黎縣三年復置四年復省七年復置屬永平路明屬永平府

本朝因之

昌黎縣

漢叅縣屬遼西郡後漢省入臨渝晉以後為海陽縣地隋唐為盧龍縣地後僑置營州柳城縣五代

時入契丹以所俘定州民置營州鄰海軍并置縣
曰廣寧金皇統二年廢營州以縣屬平州大定二
十九年以與廣寧府重改曰昌黎元至元二年省
撫寧海山入昌黎三年復置撫寧四年又以撫寧
海山俱入昌黎七年復置撫寧仍省昌黎海山入
撫寧十二年復置昌黎以屬灤州并海山入焉尋
屬永平路明屬永平府

本朝因之

灤州

古孤竹國戰國屬燕漢置海陽縣屬遼西郡晉魏
皆因之北齊省入肥如隋唐為盧龍縣地五代時
入契丹始析置灤州永安軍屬平州後又置義豐
縣為州治金仍曰灤州天輔七年置永安軍節度
使屬中都路元屬永平路明初以州治義豐縣省
入屬永平府

本朝因之

樂亭縣

漢驪成縣屬右北平郡後漢省唐為石城縣地金
大定末置樂亭縣屬灤州元初嘗於縣置漢州尋
廢復為樂亭縣隸永平路灤州明隸永平府灤州
本朝因之

玉田縣

春秋無終子國漢為無終縣地隋為漁陽郡治唐
武德二年自無終徙漁陽郡於路置元州領路漁

陽又分置無終縣貞觀元年省乾封二年復置縣
屬幽州萬歲通天二年始改為玉田縣神龍元年
改屬營州開元四年還屬幽州八年復屬營州十
一年又屬幽州十八年屬薊州遼因之宋宣和四
年金以薊州來歸六年於縣建經州七年入於金
仍屬薊州元因之明初隸北平府薊州永樂二年
隸順天府薊州

本朝因之雍正三年改屬永平府

豐潤縣

漢土垠徐無二縣皆屬右北平郡後漢移郡治土
垠晉移郡治徐無後魏郡廢二縣皆屬漁陽郡北
齊廢土垠後周又省徐無入無終唐為玉田縣地
金泰和中置豐潤縣大安初改潤曰閏屬薊州元
至元二年省入玉田四年以路當衝要復置明洪
武初復改閏曰潤

本朝康熙十五年改屬遵化州隸順天府雍正三年改

屬永平府

保定府

古冀州之域有虞分屬幽州禹貢仍屬冀州周屬幽州春秋戰國屬燕趙秦屬上谷鉅鹿二郡漢為涿鉅鹿二郡及中山并信都國地分屬幽冀二州

涿郡屬幽州鉅鹿郡中山國信都國屬冀州

漢書地理

志

後漢為涿鉅鹿二郡及中山河間安平三國地

涿郡幽州刺史部鉅鹿郡中山國安平國河間國

冀州刺史部

後漢書
郡國志

晉為范陽鉅鹿中山河間博陵高陽六國地

幽州范陽國冀州鉅鹿國河間國高陽國博陵郡

中山國

晉書地
理志

後魏為高陽范陽鉅鹿中山博陵北平昌黎遼東樂
良九郡地分屬瀛幽定南營四州

定州領中山郡鉅鹿郡博陵郡北平郡瀛州領高

陽郡幽州領范陽郡南營州領昌黎郡遼東郡樂

良郡

魏書地
形志

齊屬東北道行臺周屬幽州總管隋屬河間上谷博
陵信都四郡唐為莫涿易瀛定深祁七州地皆屬河
北道

祁州本唐定州地分建

文獻
通考

五代晉天福初割屬遼置泰州開運二年收復州尋
廢仍為莫州地周分置雄州宋建隆元年始分莫州

地置保塞軍

按今府基址實始於此

太平興國六年升為保州

以穆宗三陵及族屬在此析易州滿城南境升為

保州治保塞縣

舊志

政和三年賜名清苑郡又分置廣信安肅永寧順安
北平五軍與深祁雄定四州及中山府分屬河北東

西路

按宋史雄州屬河北東路中山府深州祁州保
州定州北平軍安肅軍永寧軍廣信軍順安軍
屬河北西路

其涿易二州地則入遼屬南京道

南京契丹又改號燕京金滅契丹以燕京及涿易
檀順景薊六州二十四縣來歸宣和五年改為燕

山府

宋史地理志

金天會七年於保州置順天軍節度使隸河北東路

又增置遂安肅蠡安完五州與涿易雄深祁五州及中山府分屬中都河北東西路

易州涿州雄州保州安州遂州安肅州屬中都路
蠡州深州屬河北東路中山府完州祁州屬河北
西路貞祐二年移保州順天軍屬中都路海陵仍

賜名清苑郡

金史地理志

元太宗十一年始升順天軍為順天路置總管府至
元十二年改為保定路領易祁雄安遂安肅完七州

蠡州屬正定路俱隸中書省明洪武元年改保定府
隸北平行中書省七年隸北平布政使司永樂中建
北京於北平遂為直隸保定府

本朝順治初移置巡撫於保定康熙八年設守道巡道
各一員雍正二年以巡撫為總督二年以守道為布
政司巡道為按察司十二年以易州為直隸州分涿
水屬之改深澤屬定州今領州二縣十六

清苑縣

漢置樂鄉縣屬信都國又置樊輿廣望二縣屬涿郡後漢皆省入北新城晉復置樊輿樂鄉縣尋省入北新城屬高陽國後魏太和初分新城置清苑縣復置樂鄉縣改樊輿曰扶輿又析置永寧縣為今滿城縣界俱屬高陽郡北齊復曰樊輿同北新城清苑樂鄉三縣省入永寧仍改曰樂鄉隋開皇中又改曰清苑屬河間郡唐武德初屬滿州貞觀元年改屬瀛州景雲二年改屬莫州五代晉初入

契丹置泰州開運二年克復仍廢為清苑縣宋建隆初於縣置保塞軍太平興國初置保州仍改縣曰保塞為州治金大定中復曰清苑元為保定路治明為保定府治

本朝因之

滿城縣

漢置北平縣屬中山國後漢晉因之後魏孝昌中屬北平郡興和二年分置永樂縣屬南營州樂良

郡北齊屬昌黎郡後周省永樂改北平曰永樂隋屬上谷郡唐屬易州天寶元年改曰滿城五代晉天福初入契丹屬泰州開運初還屬晉徙泰州治此尋州廢仍屬易州宋初因之太平興國中省南境入保塞縣金大定二十八年復置滿城縣屬保州元屬保定路明屬保定府

本朝因之

安肅縣

戰國時燕武遂地漢置北新城縣屬中山國後漢屬涿郡晉屬高陽國後魏曰新城屬高陽郡永熙二年置南營州領五郡十一縣改新城曰新昌屬遼東郡北齊惟留昌黎郡領新昌縣隋開皇元年州移二年郡廢十八年改新昌曰遂城屬上谷郡唐屬易州五代周分置梁門口寨宋太平興國六年以遂城縣置威鹵軍又以梁門口砦置靜戎軍并置靜戎縣為治景德元年改威鹵為廣信軍改靜

戎為安肅軍宣和七年廢安肅軍為安肅縣尋復為軍仍治安肅縣金天會七年改廣信軍為遂州安肅軍為徐州天德三年改徐州為安肅州徐郡軍大定後降為刺郡廢軍治安肅縣貞元二年號遂州為龍山郡泰和四年廢遂州為遂城縣屬保州貞祐二年復置遂州元至元二年省入安肅州後復置遂州屬保定路明初廢遂州入安肅州洪武六年又廢安肅州為安肅縣仍屬保定府

本朝因之

定興縣

秦置范陽縣漢屬涿郡後漢為范陽侯國仍屬涿郡晉屬范陽國後魏屬范陽郡隋開皇初改曰道縣屬上谷郡唐初廢入易縣五代及宋因之金大定六年始改置定興縣屬涿州元屬易州明洪武六年改屬保定府

本朝因之

新城縣

戰國時燕督亢陂漢置新昌縣為侯國屬涿郡後漢省唐大曆四年分固安縣地復置新昌縣太和六年又析置新城縣皆屬涿州五代晉入於契丹分界於此宋宣和四年改曰威城金復曰新城元太宗二年改新泰州七年復為新城縣屬大都路十一年屬順天路至元二年屬雄州十年屬大都二十三年復屬雄州洪武六年改屬保定府

本朝因之

唐縣

春秋燕唐邑戰國屬中山漢置唐縣屬中山國後漢及晉因之後魏屬中山郡北齊省入安喜縣隋開皇十六年復置屬博陵郡唐屬定州五代梁開平三年改曰中山後唐同光初復故晉改曰博陵漢初復故宋屬中山府金因之元屬保定路明屬

保定府

金少曰...
卷十三
本朝因之

博野縣

漢置蠡吾縣屬涿郡後漢為侯國屬中山國晉屬
高陽國後魏屬高陽郡北齊廢蠡吾縣入博野元
至元三年省博野入蠡州三十一年復置博野縣
屬保定路明洪武元年遷治故蠡吾縣界屬祁州
六年直隸保定府

本朝因之

慶都縣

戰國趙慶都邑漢置望都縣屬中山國後漢及晉
因之後魏初屬中山郡孝昌中屬北平郡後齊郡
廢省入北平縣隋開皇六年復置望都縣大業初
廢唐武德四年復置屬定州五代因之宋屬中山
府金改曰慶都縣元初屬正定府太宗十一年改
屬保定路明屬保定府

本朝因之

容城縣

漢置容城縣屬涿郡後漢省入道縣晉復置容城縣屬范陽國後罷後魏太和中復置屬范陽郡北齊天保七年省入范陽隋開皇元年改范陽為道縣唐武德五年於縣置北義州貞觀元年州廢縣屬易州聖歷二年改曰全忠神龍中仍曰道縣天寶元年復曰容城五代晉天福初入契丹仍屬易州周顯德六年亦置容城縣割屬雄州尋廢宋建

隆四年復置仍屬雄州金泰和八年割屬安州貞祐三年改屬安肅州後屬雄州元仍屬雄州隸保定路明初省入雄縣洪武十四年復置屬保定府本朝因之

完縣

戰國燕曲逆邑漢置曲逆縣屬中山國後漢章和二年改曰蒲陰晉因之後魏初屬中山郡孝昌中分置北平郡以蒲陰屬焉北齊郡廢省蒲陰置北

平縣仍屬中山郡隋屬博陵郡唐屬定州萬歲通
天二年改曰徇忠神龍元年復曰北平五代唐長
興三年改曰燕平宋初復故慶歷二年置北平軍
金改曰永平屬中山府貞祐二年升為完州元至
元二年廢州為永平縣尋復為完州屬保定路明
洪武二年廢州為完縣屬保定府

本朝因之

蠡縣

漢置陸成縣屬中山國後漢省入蠡吾本初元年
改置博陵縣并置郡漢末郡廢以縣入安平國晉
秦始元年改縣曰博陸并置高陽國治焉後魏改
縣曰博野屬高陽郡隋屬河間郡唐武德四年屬
滿州五年以縣置蠡州八年州廢縣還故屬九年
復置貞觀元年又廢縣屬瀛州永泰中改屬深州
元和十年復隸瀛州後又屬深州五代周顯德二
年改屬定州宋雍熙四年以縣置寧邊軍景德元

年改永寧軍宣和七年廢為博野縣尋復故屬河
北西路金天會七年升為寧州博野郡天德三年
改為蠡州屬河北東路元屬正定路至元三年省
博野縣入州明洪武二年改隸保定府八年改州
為縣

本朝因之

雄縣

戰國燕易邑漢置易縣屬涿郡後漢屬河間郡晉

曰易城縣屬河間國後魏復為易縣改屬高陽郡
高齊天保七年省入鄭縣唐武德五年改置歸義
縣屬幽州尋以容城縣及幽州之固安歸義置北
義州貞觀元年縣省八年復置歸義縣屬幽州景
雲二年隸鄭州是年還隸幽州大歷四年改屬涿
州五代晉初入契丹周顯德六年收復於縣置雄
州宋太平興國中改縣曰歸信政和三年賜郡名
曰易陽金仍曰雄州天會七年置永定軍節度屬

河北東路貞元二年屬中都路元初軍廢至元二十三年以雄州屬保定路明洪武初省縣入州七年改州為縣

本朝因之

祁州

漢置安國縣屬中山國後漢因之晉屬博陵郡後漢真君七年併入深澤景明二年復置屬博陵郡北齊廢隋開皇六年改置義豐縣屬博陵郡唐屬

定州萬歲通天二年改曰立節神龍元年復曰義
豐五代因之宋太平興國初改曰蒲陰縣景德九
年移祁州來治領蒲陰鼓城深澤三縣屬河北西
路金仍為祁州屬河北西路元屬保定路明初省
蒲陰縣入州屬保定府

本朝因之

束鹿縣

漢置安定郡貫三縣皆屬鉅鹿郡後漢曰鄴省安

定貫縣入之晉屬趙國後魏曰鄴仍屬鉅鹿郡北齊改為安國隋開皇六年改為安定十八年改曰鹿城屬信都郡唐武德四年屬廉州貞觀元年改屬深州十七年州廢屬冀州先天二年又屬深州天寶十五載改曰東鹿五代因之宋初改屬鎮州淳化九年還屬深州金仍之元至元三年改屬祁州明仍舊

本朝因之

安州

戰國燕葛邑漢為涿郡高陽縣地隋屬河間郡唐如意元年析河間置武興縣屬瀛州長安四年屬易州復屬瀛州神龍元年改名唐興縣景雲二年改屬鄭州五代晉改曰宜州周顯德六年省入鄭縣宋太平興國七年改置唐興若淳化三年建為順安軍屬河北西路金天會七年升軍為安州屬河北東路大定二十八年徙治葛城因升葛城為

縣泰和八年移州治於渥城以葛城為屬縣屬中都路元初州還治葛城至元二年省為鎮入高陽後復改安州仍治葛城隸保定路明洪武七年省葛城縣入州仍改州為縣十四年復置安州屬保定府

本朝因之

高陽縣

戰國燕高陽邑漢初置高陽縣屬涿郡後漢屬河

間郡晉泰始元年置高陽國以縣屬焉後魏為高陽郡治隋開皇初郡廢十六年置滿州大業中州廢屬河間郡唐武德四年復置滿州貞觀元年州廢仍屬瀛州五代因之宋至道三年以瀛州高陽屬安順軍熙寧六年省為鎮八年復為縣仍為安順軍治金天會七年升軍為安州復置高陽軍大定二十八年以高陽為屬縣泰和八年改屬莫州尋復故元屬安州明洪武八年併入蠡縣十二年

復置永樂後仍隸保定府安州

本朝因之

新安縣

漢涿郡容城縣地曰渾渥城金泰和四年析置渥城縣八年移安州治於渥城元至元二年州縣俱省改為新安鎮入歸信縣四年割入容城九年置新安縣屬保定路明洪武七年省入安州尋復置屬安州

本朝因之

河間府

禹貢冀州之域周為幽兗二州之域春秋為燕齊及
晉東陽地戰國燕趙二國之境秦為上谷鉅鹿二郡
地漢初為鉅鹿涿二郡地文帝二年始分趙地別置
河間國治樂城屬冀州

河間國故漢文帝二年別為國應劭曰在兩河之

間

漢書地理志注

按樂城今獻縣

後漢初併入信都和帝永元三年復置為國

河間郡文帝置世祖省屬信都和帝永元三年復

故

後漢書
郡國志

晉因之後魏初為河間郡改屬定州太和十一年分

定冀二州置瀛州

瀛州取瀛海為名

續通
典

隋開皇初郡廢

隋初廢郡置瀛州

文獻通考

大業初州廢復為河間郡

唐武德四年復曰瀛州

瀛州隋河間郡武德四年討平竇建德改為瀛州

舊唐書

地理志

天寶元年復曰河間郡乾元元年復曰瀛州屬河北

道

長慶元年置瀛莫都團練觀察使陞節度使天復

元年置平營莫等州觀察使

唐書方鎮表

五代晉天福元年地入遼周顯德元年收復

瀛州晉以賂契丹周世宗取之屬霸州

文獻通考

宋升為河間府置瀛海軍屬河北東路

河間郡大觀二年陞為府賜軍額

宋史地理志

金為河北東路治置總管府復置瀛海軍節度

河間府天會七年置總管府正隆間升為府置瀛

海軍節度使後復置總管府

金史地理志

元至元二年置河間路總管府直隸中書省明洪武
元年改河間府屬河南分省二年改屬北平行省九
年屬北平布政使司永樂元年直隸京師

本朝因之領州二縣十五雍正三年改府屬之天津衛
為州旋又升為直隸州移青縣靜海二縣屬之七年
升府屬之滄州為直隸州移東光南皮鹽山慶雲四
縣屬之九年復升天津州為府置天津縣而以青縣
靜海及滄州南皮鹽山慶雲共七州縣隸之東光縣

屬河間府今領州一縣十

河間縣

漢置州鄉武垣二縣俱屬涿郡後漢省州鄉以武垣屬河間國晉因之後魏太和十一年移河間郡治武垣又置瀛州於縣之趙都軍城隋大業初置河間縣為河間郡治省武垣入焉唐武德四年改為瀛州治五年置武垣縣貞觀元年省武垣入焉宋為河間府治金因之元為河間路治明為河間

府治

本朝因之

獻縣

本漢樂成縣為河間國治後漢因之晉曰樂成仍為國治後魏太和十一年移郡治武垣以縣屬之隋開皇十八年改曰廣成仁壽元年又改曰樂壽仍屬河間郡大業末竇建德都此唐武德四年建德平還屬瀛州大歷中屬深州元和十年復隸瀛

州後又改屬深州五代因之宋至道三年還屬瀛
州金天會七年升為壽州天德三年改曰獻州屬
河北東路元至元二年廢州仍為樂壽縣未幾復
為州屬河間路明初省縣入州洪武七年又降州
為獻縣屬河間府

本朝因之

阜城縣

漢置阜城縣屬勃海郡後漢徙廢晉復置後魏分

屬武邑郡隋開皇九年屬觀州貞觀十七年還屬
冀州天祐二年改曰漢阜五代漢復故宋淳化元
年屬永靜軍嘉祐八年省為鎮入東光熙寧十年
復置金屬景州元因之明洪武七年改屬河間府
本朝因之

肅寧縣

本漢武垣縣地隋唐為河間縣地宋雍熙初置平
魯寨景德二年改為肅寧城金升為縣屬河間府

元至元二年廢為鎮入河間縣尋復置屬河間路
明屬河間府

本朝因之

任邱縣

本戰國燕鄭邑漢置鄭阿陵高郭三縣俱屬涿郡
後漢省阿陵高郭二縣以鄭縣屬河間國晉因之
後魏及隋屬河間郡唐武德四年改屬蒲州五年
始分置任邱縣屬瀛州景雲二年於鄭縣置鄭州

併領任邱開元十三年改鄭為莫天寶初改州為
文安郡乾元元年復曰莫州屬河北道五代晉天
福元年地入遼周顯德六年復取之宋熙寧六年
省莫縣入任邱移州治之屬河北東路金貞祐二
年州縣俱廢改置莫亭縣元初復於莫亭置莫州
併置任邱縣屬之至元二年州縣俱省入河間後
復置屬河間路明洪武七年省莫州入任邱屬河

間府

本朝因之

交河縣

漢置建成成平景成三縣皆屬勃海郡後漢省建
成景成以成平屬河間國晉因之後魏屬章武郡
隋開皇十八年改成平曰景城大業初屬河間郡
唐武德四年屬瀛州貞觀元年屬滄州大歷七年
復舊後隸景州尋又來屬宋初因之熙寧六年省
景城為樂壽縣地金大定七年始分樂壽置交河

縣屬獻州元至元二年又省入樂壽尋復置明洪武七年改屬河間府

本朝因之

寧津縣

本漢東光臨樂二縣地屬勃海郡後漢省臨樂晉置新樂縣屬樂陵國後魏省隋開皇十六年置胡蘇縣屬平原郡唐武德四年屬觀州六年屬滄州仍移州來治貞觀元年州還治清池仍以縣屬觀

州十七年又屬滄州天寶元年改名臨津貞元三年屬景州長慶元年還屬滄州二年又屬景州太和四年又屬滄州景福元年仍屬景州周顯德二年還屬滄州宋熙寧六年省入南皮縣金改置寧津縣屬景州元初屬濟南路至元二年改屬河間路明屬河間府

本朝因之

景州

漢置修縣屬信都國後漢改屬勃海郡晉及後魏
因之隋開皇五年改脩曰菑仍屬信都郡唐武德
四年屬觀州貞觀十七年改屬德州永泰元年還
屬冀州五代宋因之金始以菑縣屬景州元初升
為元州後復為菑縣至元二年自東光移景州來
治屬河間路明初省菑縣入州屬河間府

本朝因之

吳橋縣

本漢安縣屬平原郡後漢省晉置東安陵縣屬勃
海郡後魏去東字隋大業初併入東光唐武德四
年復置安陵縣屬觀州貞觀十七年屬德州景福
元年隸景州尋復屬德州宋景祐二年省入將陵
縣金始分將陵之吳橋鎮置屬景州元屬河間路
景州明屬河間府景州

本朝因之

東光縣

本漢置屬勃海郡後漢至晉魏仍之東魏移渤海郡於此隋開皇初郡廢九年於縣置觀州大業初州廢以縣屬平原郡唐武德四年于弓高置觀州以縣屬之貞觀十七年州廢縣屬滄州貞元三年又于弓高置景州以縣屬之長慶元年州廢還屬滄州二年又置景州縣仍屬焉太和四年州廢縣還滄州景福元年復置景州縣又屬天祐五年移州來治五代周顯德二年廢景州為定遠軍屬滄

州宋太平興國六年以軍直隸京師景德元年改
曰永靜軍屬河北東路金初仍升為景州大安間
避諱改曰觀州元初復曰景州至元二年始移州
治舊縣以東光為屬縣明屬河間府景州

本朝因之雍正七年升滄州為直隸州移東光屬之九
年還屬河間府

故城縣

漢置廣川歷二縣屬信都國後漢省歷縣入廣川

屬清河國晉改屬勃海郡後魏屬長樂郡北齊廢
入棗強縣隋開皇六年復廣川縣於縣東界仁壽
初改名長河屬平原郡唐屬德州元和四年移長
河縣治此十年又移還東界金明昌五年於唐故
長河縣置上故城鎮元升為故城縣屬河間路至
元二年併為故城鎮是年復置縣屬景州明屬河
間府景州

本朝因之

畿輔通志卷十三